



# Պարույր Սևակ

## Փառքի պատվանդան

Նահանջի ճամփան էր մեր ոտքի տակ ընկել,  
Վտանգված էր հողը մեր գեղեցիկ...  
Մենք միասին էինք այդ վայրկյանին, ընկե՛ր,  
Մենք միասին, մեկտեղ նահանջեցինք:  
Հողը կառչում էր մեզ իր գորշ կաշուն կավով,  
Խրամատն էր կտրում դարձի ուղին:  
Բայց մենք զինվոր էինք, և իր հրամանով  
Հաղթանակն էր սաստում՝ գատվե՛լ հողից:  
...Նայում էին հեռվից, ուլքեր ծնել էին,  
Ուլքեր սնել էին և մեզ սիրել կյանքում...  
Շուրջը՝ սառնամանիք, շուրջը ձյուններ էին,  
Մերթ՝ անարատ, ճերմակ, մերթ՝ արնագույն:  
Ու մենք քայլում էինք, ու մենք սողում էինք:  
Ոչի՛նչ, սողում էինք, որ չսողա՛նք կյանքում:  
Մեր հողն էր մեզ կրում, մենք մեր հողում էինք:  
Ահա ինչու՝ նրանք ցրտից դողում էին,  
Իսկ մենք այրվո՛ւմ էինք, մենք ողողվո՛ւմ էինք  
Մեր քրտինքով ցասման...  
Ինչպես ես՝ իմ Ջանգուն,  
Անցանք քեզ հետ մեկտեղ քո Դոնը և Վոլգան:  
Խաղաղությունն էր դեռ մեր ականջին զնգում.

Դեռ մուրճն էր քո ձեռքին, գրիչն էր իմ ձեռքում-  
 Դեռ մենք կիսո՛ւվ էինք զինվորական:  
 Դու այդպես էլ ընկար - կիսով՝ արդեն մարտիկ,  
 Կիսով չափ դեռ դարբին կոլխոզային,  
 Միտքդ՝ թողած մուրճիդ, ձեռքդ՝ ավտոմատիդ  
 Եվ ականջդ՝ մոտիկ հաղթանակի ձայնին:  
 Իսկ ես դեռ ապրեցի: Թողած թուղթ ու մատիտ,  
 Հեծած պատերազմի աստծուն պողպատ թամբով,  
 Մտքով նորի՛ց քեզ հետ, միշտ քո կողքի՛ն մոտիկ,  
 Առա՛ջ արշավեցի մեր նահանջի ճամփով:  
 Մենք միասին անցանք այն ճանապարհն ամբողջ,  
 Ուր մենք ապրել էինք ցավ ու վտանգ:  
 Շուրջը այնժամ գարո՛ւն, վառ կանա՛չ էր, բողբո՛ջ,  
 Արև՛ն էր հաղթության, արյան ցո՛լքն էր քո թանկ...  
 Ու մենք Բեռլին մտանք...  
 Ու ես իմ տուն դարձա,  
 Արդարությունը երբ հաղթանակեց կյանքում:  
 Իսկ դու արձանացար,  
 Դու հուշարձան դարձար  
 Մայր Վոլգայի ափին, տափաստանում անծայր,  
 Բուդապեշտո՛ւմ:  
 Լոճո՛ւմ,  
 մարդկանց հոգո՛ւմ:  
 ...Խաղաղությունն է արդ մեր ականջին զնգում  
 Իբրև մանգաղ՝ արտից, իբրև մանուկ՝ տնից:  
 Եվ մենք նորից կիսով մեզ զինվոր ենք զգում.  
 Խաղաղությունն ենք մենք օր ու գիշեր հսկում,  
 Ես՝ իմ երգերի մեջ, դու՝ քո պատվանդանից...

Երևան